



孫氏二十四種

外科發揮 六八

十  
584  
33



明  
武  
514  
卷  
083

即  
道  
壽  
壽  
壽  
壽  
壽  
壽  
壽  
壽

外科發揮卷之六

薛氏醫按

吳郡薛 已著

新都吳玄有校

咽喉

疼痛或寒熱者邪在表也宜發散

腫痛痰涎壅盛者邪在上也宜降之

痛而脈數無力者屬陰虛宜滋陰降火

腫痛發熱便閉者表裏俱實病也宜解表攻裏如證緊急更刺

患處或刺少商穴

一男子咽喉痛而脈數以荆防敗毒散加芩連二劑少愈乃去芩

連又二劑而愈

一男子咽喉腫閉牙關緊急針不能入先刺少商二穴出黑血

薛氏醫按

外科發揮卷之六

月廿五

口卽開更針患處飲清咽利膈散一劑而愈大抵吐痰針刺皆有發散之意故多效嘗見此證不針刺多致不救

一婦人咽喉腫痛大小便秘以防風通聖散一劑諸證悉退又荆防敗毒散三劑而安常治此證輕則荆防敗毒散吹喉散重則用金鑰匙及刺患處出血最效否則不救針少商二穴亦可不若刺患處之爲神速耳

一男子咽喉腫痛脈數而實以涼膈散一劑而痛止以荆防敗毒散加牛蒡子二劑而腫退以荆防敗毒散二劑又以甘桔荆防玄參牛蒡子四劑而平

一男子咽喉腫閉痰涎壅甚以膽礬吹咽中吐痰碗許更以清咽利膈湯四劑而安

一男子咽喉腫痛藥不能下針患處出紫血少愈以破棺丹噙

之更以清咽消毒散服之而愈

一男子咽喉乾燥而痛以四物湯加黃栢知母玄參四劑少愈更以人參固本丸一劑不再發

一男子口舌生瘡服涼藥愈甚治以理中湯而愈

一男子咽痛午後益甚脈數無力以四物湯加黃栢知母荆防四劑而愈仍以前藥去荆防加玄參甘桔數劑後不再發

一弱人咽痛服涼藥或遇勞愈甚以補中益氣湯加芩連四劑而愈乃去芩連又數劑不再發常治午後痛去芩連加知母黃栢玄參亦效

一老人咽痛日晡尤甚以補中益氣湯加酒炒黃栢知母數劑而愈

一男子乳蛾腫痛脈浮數尚未成膿針去惡血飲荆防敗毒散二劑而消

一男子乳蛾腫痛飲食不入瘡色白其膿已成針之膿出即安  
一男子噎癰腫痛脈浮數更沉實飲防風通聖散一劑瀉一次  
勢頓退又荆防敗毒散二劑而消

一男子咽喉腫痛予欲針之以泄其毒彼畏針止服藥然藥既  
熟已不能下矣始急針患處出毒血更飲清咽消毒藥而愈。

一患者其氣已絕心頭尚溫急針患處出黑血即蘇如鮑符卿  
喬侍御素有此證每患皆以針去血即愈大抵咽喉之證皆因  
火為患其害甚速須分緩急及膿成否若腫閉及壅塞者死在  
反掌之間宜用金鑰匙吹患處吐出痰涎氣得通即蘇若吐後  
仍閉乃是惡血或膿毒為患須急針患處否則不治前人云治  
喉之火與救火不同不容少待又云走馬看喉閉信夫治喉之  
方固多惟用針有回生之功

一男子口舌生瘡飲食不甘勞而愈甚以理中湯治之頓愈

一男子口舌糜爛服涼藥愈脈數而無力以四物加酒炒黃

知母玄參一劑頓退四劑而痊

一男子口舌生瘡脈浮而緩飲補中益氣湯加炮姜更以桂枝

舍之即愈。一男子患之勞而愈甚以前藥加附子三片二劑

即愈丹溪云口瘡服涼藥不愈者此中焦氣不足虛火泛上無

制用理中湯甚則加附子

一男子咽喉作痛痰涎上壅予欲治以荆防敗毒散加連翹山

梔玄參牛蒡子彼自服甘寒降火之藥反加發熱咽愈腫痛急

刺少商二穴仍以前藥加麻黃汗之諸證並退惟咽間一紫處

仍痛此欲作膿以前藥去麻黃一劑膿潰而愈凡咽痛之疾治

之早或勢輕者宜用荆防敗毒散以散之治之遲或勢重者須

刺少商穴瘀血已結必刺患處亦有刺少商咽雖利而未全消者必成膿也然膿去即安若有大便秘結者雖經針刺去血必欲以防風通聖散攻之甘寒之劑非虛火不宜用

一婦人咽間作痛兩月後始潰突而不斂遍身筋骨亦痛諸藥不應先以草薺湯數劑而斂更以四物湯倍用草薺黃芪二十餘劑諸證悉退。一彌月小兒先於口內患之後延於身上年餘不愈以草薺為末乳汁調服母以白湯調服月餘而愈。一男子咽間先患及於身服輕粉之劑稍愈已而復發仍服之亦稍愈後大發上腭潰蝕與鼻相通臂腿數枚其狀如桃大潰年餘不斂神思倦怠飲食少思虛證悉具投以草薺湯為主以健脾胃之劑兼服之月餘而安。一婦人患之臉鼻俱蝕筋骨作痛脚面與跟各腫一塊三月而潰膿水淋漓半載不斂治以前

藥亦愈 草薺湯方見楊梅瘡門

一男子齒痛脉數實便秘用防風通聖散即愈

一男子齒痛而胃脉數而有力以清胃散加石膏荊防風 二劑而痊

一男子齒痛甚胃脉數實以承氣湯一劑即止

一男子齒痛脉浮無力以補中益氣湯加黃連生地黃石膏治之不復作

一老人齒痛午後即發至晚尤甚胃脉數而實以涼膈散加荊

芥防風石膏一劑而瘳

一婦人常口舌糜爛頰赤唇乾眼澁作渴脉數按之則澹此心肺壅熱傷於氣血為患名熱勞證也當多服滋養血藥彼欲速効用敗毒寒劑攻之後變瘵證而歿婦人良方云婦人熱勞者由心肺壅熱傷於氣血氣血不調臟腑壅滯熱毒內積不得宣

通之所致也其候心神煩燥頰赤頭痛眼澁唇乾四肢壯熱煩渴不止口舌生瘡神思沉昏嗜卧少寐飲食無寐舉體痠疼或時心怔或時盜汗肌膚日漸消瘦故名熱勞也

附方

荆防敗毒散 方見潰瘍發熱門

清咽利膈湯 治積熱咽喉腫痛痰涎壅盛或胸膈不利煩躁

飲冷大便秘結

金銀花 防風 荆芥 薄荷 桔梗 炒 黃芩 炒

黃連 炒各半錢 山梔 炒研 連翹 各二錢 玄參 大黃 煨

朴硝 牛蒡子 研 甘草 各七分

作一劑水二鍾煎一鍾食後服

金鑰匙 治喉閉纏喉風痰涎壅塞盛者水漿難下

焰硝 一兩五錢 鵬砂 五錢 腦子 一字 白僵蚕 一錢 雄黃 二錢

各另為細末和勻以竹管吹患處痰涎即出如痰雖出咽喉

仍不消急針患處去惡血

涼膈散 方見作渴門 防風通聖散 方見天泡瘡門

補中益氣湯 方見潰瘍發熱門

刺少商穴法 穴在手大指內側去爪甲如韭葉刺入二分許

以手自臂勒至刺處出血即消若重者及膿成者必須針患

處否則不治 復繪圖於卷末

四物湯 方見瘰癧門 破棺丹 方見發背門

理中湯 治脾胃不健飲食少思或作嘔或服寒藥致飲食少

思或肚腹作痛

人參 乾薑 炮 甘草 炙 白朮 炒各一錢半

作一劑水一鍾煎五分食遠服

清胃散 酒拌一錢 黃連 酒拌二錢 生地黄 酒拌二錢 牡丹皮 酒拌一錢 升麻 二錢

作一劑水二鍾煎七分食遠服

承氣湯 治腸胃積熱口舌生瘡或牙齒齦作痛

大黃 煨 甘草 朴硝 各二錢

作一劑水一鍾半煎八分食前服

清咽消毒散 治咽疾生瘡腫痛痰涎壅盛或口舌生瘡大便

秘結即荆防敗毒散加芩連硝黃 方見瀉瘍發熱門

人參固本丸 治肺氣燥熱作渴或小便短少赤色及肺氣虛

熱小便澀滯如淋此虛而有火之聖藥也

生地黄 酒拌 熟地黄 用生者酒拌 天門冬 去心

麥門冬 去心各一兩 人參 五錢

除人參為末餘藥搗膏加煉蜜少許丸梧子大每服五十九空心鹽湯或溫酒下中寒人不可服

癩疹 附小兒丹毒

脈浮者消風為主 脈浮數者祛風清熱

脈沉數者瀉火為主 脈數按之沉實者解表攻裏

一婦人患癩作痒脈浮以消風散四劑而愈

一婦人患癩作痒脈浮數以人參敗毒散二劑少愈更以消風

散四劑而安

一男子患癩色赤紫焮痛發熱喜冷脈沉實以防風通聖散一

劑頓退又以荆防敗毒散加芩連四劑而愈

一婦人患癩痒痛大便秘脈沉實以四物湯加芩連大黃槐花

治之而愈

一老人患疹色微赤作痒發熱以人參敗毒散二劑少愈以補中益氣湯加黃芩山梔而愈

一小兒患疹作痛發熱煩渴欲服清涼飲下之診其脉不實舉指不數此邪在經絡也不可下遂用解毒防風湯二劑而愈此證小兒多患之須審在表在裏及邪之微甚而治之王海藏曰前人云首尾俱不可下者何也曰首不可下者為瘰未見於表下則邪氣不得伸越此脉證有表而無裏故禁首不可下也尾不可下者為瘰毒已顯於外內無根蒂大便不實無一切裏證下之則瘰氣逆陷故禁尾不可也一兒作痒發熱以消毒犀角飲一劑作吐瀉此邪氣上下俱出也毒自解少頃吐瀉俱止其疹果消吐瀉後脉見七至此小兒和平之脉也邪已盡矣不須治果愈潔古云瘰疹之病其為證各異發燉腫於外者屬少陽

三焦相火也謂之瘰小紅靨行皮膚之中不出者屬少陽君火也謂之疹凡顯斑證若自吐瀉者慎勿亂治而多吉謂邪氣上下皆出也瘰疹並出小兒難禁是以別生他證也首尾不可下大抵安裏之藥多發表之藥少秘則微疎之令邪氣不壅併冷其次第出使兒易禁也身溫暖者順身涼者逆

一男子患丹毒燉痛便秘脉數而實服防風通聖散不應令破患處去惡血仍用前藥即愈

一小兒腿患丹如霞遊走不定先以麻油塗患處破出惡血毒即散更以金銀花散一劑而安。一小兒患之外勢雖輕內則大便不利此患在臟也服大連翹飲敷神効散而瘥。一小兒遍身皆赤砭之投解毒藥而即愈。一小兒遍身亦赤不從砭治以致毒氣入腹遂不救此證乃惡毒熱血蘊蓄於命門遇相



火而合起也如霞片者須砭去惡血為善如腫起赤色遊走不定者宜先以生麻油塗患處砭之以洩其毒凡從四肢起入腹者不治雖云丹有數種治有數法無如砭之為善常見患稍重者不用砭法俱不救也

附方

消風散

方見瘡疥門

荆防敗毒散

方見潰瘍發熱門

四物湯

方見瘰癧門

防風通聖散

方見天泡瘡門

人參敗毒散

補中益氣湯

二方見潰瘍發熱門

清涼飲

方見發背門

消毒犀角飲子

治癩或癧疹瘙痒或作痛及風熱瘡毒

牛蒡子

二錢

荆芥

防風

各一錢

甘草

三分

作一劑水一鍾煎五分徐徐服

解毒防風湯

治癩或癧疹痒或作痛

防風

錢一

地骨皮

黃芪

芍藥

荆芥

枳殼

炒各二錢

作一劑水一鍾煎五分徐徐服

金銀花散

方見作嘔門

神功散

方見發背門

大連翹飲

方見天泡瘡門

砭法

治小兒丹毒色赤遊走不定用細磁器擊碎取有鋒芒者一塊以筋一根劈開頭尖夾之用線縛定兩指輕撮筋稍令磁芒正對患處懸寸許再用筋一根頻擊筋頭令毒血遇刺皆出却以神功散敷搽毒入腹者不救

天泡瘡

舊名

脈浮發熱或拘急者發散表邪 脈沉發熱便秘者解表攻裏 發熱小便赤澀者分利消毒

一小兒患此燉痛發熱脉浮數挑去毒水以黃柏滑石末敷之更飲荆防敗毒散二劑而愈

一男子燉痛發熱服祛風清熱藥愈熾診其脉沉實乃邪在內也用防風通聖散一劑頓愈又荆防敗毒散二劑而安夫此證雖屬風熱當審在表裏治無誤

一小兒燉赤發熱以黃柏滑石末敷之飲大連翹湯二劑少愈更以金銀花散而痊

附方

荆防敗毒散 方見潰瘍發熱門

防風通聖散 治一切風熱積毒瘡腫發熱便秘表裏俱實者

芍藥炒 芒硝 滑石煨 川芎 當歸酒拌 桔梗 石膏煨

荆芥 麻黃各四分半 薄荷 大黃煨 山梔炒 白朮炒

連翹 甘草炙 防風 黃芩炒各五分

作一劑水一鍾煎八分服

大連翹飲 治癩疹丹毒瘙痒或作痛及大人小兒風邪熱毒燉痛或作痒小便澀

連翹 瞿麥 荆芥 木通 芍藥 當歸酒拌 蟬蛻

甘草 防風 柴胡 滑石煨 山梔 黃芩各一錢

作一劑水一鍾半煎七分如小兒宜為細末每服一二錢滾湯調下

金銀花散 方見作渴門

楊梅瘡 近時稱從咽喉患起者仍見咽喉門

濕勝者宜先導濕 表實者宜先解表 裏實者宜先疎內

表裏俱實者解表攻裏 表虛者補氣 裏虛者補血

表裏俱虛者補氣血

一男子玉莖患之腫痛先以導水丸龍膽瀉肝湯各四服少愈再以小柴胡湯加黃芩蒼朮五十餘劑而平

一男子玉莖腫潰小便赤色肝脈弦數以小柴胡湯加木通青皮龍膽草四劑又龍膽瀉肝湯數劑而痊

一童子玉莖患之延及小腹數枚作痛發熱以小柴胡湯吞蘆薈丸更貼神異膏月餘而安

一男子遍身皆患左手脈浮而數以荆防敗毒散治之表證乃退以仙方活命飲六劑瘡漸愈兼飲草薺湯月餘而愈

一婦人嫩痛便秘作渴脈沉實以內疎黃連湯二劑裏證已退以龍膽瀉肝湯數劑瘡毒頓退間服草薺湯月餘而愈

一男子患之發寒熱便秘作渴兩手脈實以防風通聖散治之而退以荆防敗毒散兼龍膽瀉肝湯而痊

一男子愈後腿腫一塊久而潰爛不斂以蒜搗爛敷患處隔蒜灸之更貼神異膏及服黑丸子并托裡藥兩月而愈

一婦人燃輕粉藥於被中薰之致遍身皮塌膿水淋漓不斂居以滑石黃栢菜豆粉末等分鋪席上令可臥更飲金銀花散月餘而痊

一男子皆愈但背腫一塊甚硬肉色不變年餘方潰出水三載不愈氣血俱虛飲食少思以六君子湯加當歸藿香三十餘劑少愈更飲草薺湯兩月餘而愈

一男子患之勢熾兼脾胃氣血皆虛亦服前藥而痊。一婦人患之皆愈惟兩腿兩膝各爛

一塊如掌兼筋攣骨痛三載不愈諸藥不應日晡熱甚飲食少思以草薺湯兼逍遙散倍用茯苓白朮數劑熱止食進貼神異

膏更服八珍湯加牛膝杜仲木瓜三十餘劑而痊

醫方類聚卷之六

附方

道水丸 方見便癰門

龍膽瀉肝湯 方見下疳門

荆防敗毒散 方見潰瘍發熱門

內疎黃連湯 方見腫瘍門

仙方活命飲 方見發背門

防風通聖散 方見天泡瘡門

隔蒜灸法 方見發背門

八珍湯 方見潰瘍發熱門

黑丸子 方見流注門

金銀花散 方見作渴門

小柴胡湯 方見瘰癧門

神異膏 治癰疽瘡毒甚効此瘡瘍中第一藥也

露蜂房 兒多者一兩 蛇蛻 鹽水洗焙半兩 玄參 半兩 黃芪 三錢

男子髮 洗如鷄子一團 杏仁 去皮尖一兩 黃丹 十二兩 真麻油 二斤

先以玄參杏仁黃芪入油煎至將黑色方入蜂房蛇蛻亂髮再煎至黑濾去查徐徐下黃丹慢火煎以柳枝不住手攪痛

水捻軟硬得中即成膏矣

草薺湯 治楊梅瘡不問新舊潰爛或筋骨作痛並効用川草

薺 俗呼土薺 每用一兩以水三鍾煎二鍾去粗不拘時徐徐溫


服 若患久或服攻擊之劑致傷脾胃氣血等症者以此一味為主而加以兼症之劑

蘆薈丸 方見下疳門


又捷法治楊梅瘡不問新舊並効不過旬日用膽礬白礬末并水銀各三錢半入香油津唾各少許和勻坐無風處取藥少許塗兩脚心以兩手心對脚心擦磨良久再塗藥少許仍前再擦用藥盡即卧汗出或大便去垢口出穢涎為驗連擦三日前通聖散燥洗更服內疎黃連湯或敗毒散愈後服草薺湯有熱加芩連氣虛參芪血虛四物之類



少商穴




少商穴



少商穴

針灸醫書卷之六

外科發揮卷之六終



少商穴

立齋外科發揮卷七

薛氏醫按

吳郡薛 已著

新都吳玄有校

便癰

內蘊熱毒外挾寒邪者解散之 勞役而患者補之

不遂交感或強固精氣致敗精而結者解散之

濕熱而致者清肝導濕

一男子患此未作膿小便秘澀以八正散三劑少愈以小柴胡

湯加澤瀉山梔木通二劑而消

一男子腫痛發寒熱以荆防敗毒散二劑而止以雙解散二劑而消

一男子膿未成大痛服消毒托裡內疎藥不應診之脉洪大毒

尚在以仙方活命飲一劑痛止又一劑而消

外科發揮卷之七

一男子腫痛日晡發熱以小柴胡湯加青皮天花粉四劑痛止熱退以神效瓜蒌散四劑而消

一男子腫而不潰以參芪歸朮白芷皂角刺柴胡甘草節數劑而潰以八珍湯加柴胡數劑而愈

一男子潰而腫不消且不斂診之脈浮而濇以豆豉餅灸之更以十全大補湯月餘而愈

一男子潰而痛不止以小柴胡湯加黃柏知母芎歸四劑少止更以托裡當歸湯數劑而斂

一男子癩腫作痛大小便秘脈有力以玉燭散二劑頓退更以龍胆瀉肝湯四劑而削

一男子潰而痛不止諸藥不應診之脈大按之則數乃毒未解也以仙方活命飲而止又二劑而斂

一男子服尅伐之藥以求內消致瀉利少食以二神丸先止其瀉以十全大補倍加白朮茯苓數劑而消大抵此證多患於勞逸之人亦有內蘊熱毒而生者須辨虛實及成膿否不可妄投藥餌常見治此證者槩用大黃之類下之求內消或膿成令膿從大便出鮮有見其痊也人多欲內消者蓋恐收口之難也若補養血氣不旬日而收矣何難之有若膿既成豈有可消之理如再用尅伐之劑反為難治

一男子不慎房勞患此腫痛以雙解散一服通之其痛即止更以補中湯數劑而膿成針之以八珍湯加五味子麥門冬柴胡三十餘劑而愈大抵便癰者血疝也俗呼為便毒言於不便處腫毒致為便癰也乃足厥陰肝之經絡及衝任督脈亦屬肝之傍絡是氣血流通之道路今壅而腫痛此則熱毒所致宜先疏

導其滯更以托裡之劑此臨證制宜之法也  
一老婦腫痛膿未作小便澀肝脉數以加減龍膽瀉肝湯加山  
梔黃栢四劑而消

附方

雙解散 治便癰內蘊熱毒外挾寒邪或交感強固精氣致精  
血交錯腫結疼痛大小便秘者宜用此藥通解更隨證調治

辣桂

大黃酒拌炒

白芍藥

牽牛炒搗

桃仁去皮尖

澤瀉

甘草炒

乾薑炮各五分

作一劑水二鍾煎八分空心服

補中益氣湯方見潰瘍發熱門

加減龍膽瀉肝湯方見下疳門

八正散 治積熱水便癰閉不通及一切淋證脉實

大黃酒拌炒

車前子炒

瞿麥

篇蓄

山梔仁炒

木通

甘草各一錢

滑石煨二錢

作一劑水二鍾煎八分食前服

仙方活命飲方見發背門

小柴胡湯方見瘰癧門

荆防敗毒散方見潰瘍發熱門

神效瓜蒌散方見乳癰門

八珍湯方見潰瘍發熱門

豆豉餅方見腎癰門

十全大補湯方見潰瘍發熱門

二神丸方見作嘔門

導水丸 治便癰初起腫痛及下疳大小便秘又治楊梅瘡初



起濕盛之際宜先用此丸數服

大黃酒拌 黃芩炒 黑牽牛末炒 滑石煨各

為末糊丸梧子大每服五十丸臨卧溫水下

桃仁承氣湯 治症同玉燭散 方見杖瘡門

玉燭散 治便癰初腫痛發熱大小便秘用此以行散之

川芎 當歸酒拌 芍藥 生地黃酒拌

芒硝 大黃煨各 甘草炙

作一劑水二鍾煎八分食前服

托裡當歸湯 治潰瘍氣血俱虛發熱及瘰癧流注乳癰不問

腫潰但瘡瘍氣血虛而發熱者皆宜服之久服能收斂瘡口

當歸酒拌 黃芪鹽水 人參 熟地黃酒拌

川芎 芍藥各 柴胡 甘草炙各

作一劑水二鍾煎八分食遠服

懸癰

喉痛或發熱者清肝解毒

腫痛者解為主

腫痛小便赤澀者肝經濕熱也宜分利清肝

不作膿或不潰者氣血虛也宜補之

一男子患此喉痛發寒熱以小柴胡湯加製甘草二劑少退又

製甘草四劑而消大抵此症屬陰虛故不足人多患之寒涼之

劑不可過用恐傷胃氣惟製甘草一藥不損氣血不動臟腑其

功甚捷最宜用之不可忽也

一男子腫痛小便亦澀以加減龍膽瀉肝湯加製甘草二劑少

愈以參芪歸朮黃柏知母製甘草四劑而潰更以四物湯加黃

芪歸朮黃柏知母製甘草四劑而潰更以四物湯加黃

栢知母參芪製甘草而痊

一男子膿清不斂內有一核以十全大補湯加青皮柴胡製甘草更以豆豉餅灸之核消欽

一男子久而不斂脈大而無力以十全大補湯加五味子麥門冬灸以豆豉餅月餘而愈

一老人年餘不斂診其脈尚有濕熱以龍膽瀉肝湯二劑濕退乃以托裡藥及豆豉餅灸之而愈

一男子腫痛發熱以小柴胡湯加黃連青皮四劑少愈更以加減龍膽瀉肝湯而消

一男子腫痛未作膿以加減龍膽瀉肝湯二劑少愈以四物湯加木通知母黃栢而消

一男子膿熟不潰脹痛小便不利急針之尿膿皆利更以小柴

胡湯加黃栢白芷金銀花四劑痛止以托裡消毒散數劑而愈  
常見患者多不肯用針待其自破殊不知緊要之地若一有膿宜急針之使毒外發不致內潰故前人云凡瘡若不針烙毒結無從而解膿瘀無從而泄又云宜開戶以逐之今之患者反謂地部緊要而不用針何其相違之遠矣

一男子膿熟不潰脈數無乃此氣血俱虛也欲治以滋陰益血氣之劑更針之使膿毒外泄彼不從仍用降火敗毒藥致元氣愈虛瘡勢愈盛後潰不斂竟至不救夫懸難之症原係肝腎二經陰虛雖一於補尤恐不治况膿成而又尅伐不死何俟常治初起腫痛或小便赤澁先以製甘草一二劑及隔蒜灸更飲龍膽瀉肝湯若發熱腫痛者以小柴胡湯加車前黃栢芎歸膿已成即針之已潰者用八珍湯加製甘草柴胡稍酒炒黃栢知母

小便澀而脉有力者仍用龍膽瀉肝湯加製甘草小便澀而脉無力者用清心蓮子飲加製甘草膿清不飲者用大補之劑以豆豉餅灸之久而不飲者用附子餅灸之並效

附方

小柴胡湯

方見瘰癧門

製甘草

治懸癰腫痛或發寒熱不問腫潰並有神効其法每

大甘草一兩切三十許用澗水一盞浸透慢火炙乾仍投前水

浸透再炙將盪水炙乾為度剉細用無灰酒一盞煎至七分去

粗空心服

加減龍膽瀉肝湯

方見下疳門

四物湯

方見瘰癧門

十全大補湯

方見潰瘍發熱門

豆豉餅

方見腎癰門

隔蒜灸法

方見發背門

托裡消毒散

方見腫瘍

清心蓮子飲

方見下疳門

八珍湯

方見潰瘍發熱門

附子餅

方見腎癰門

下疳

腫痛或發熱者肝經濕熱也清肝除濕

腫痛發寒者邪氣傳表也發散之

腫痛小便赤澀者肝經熱濕壅滯也疎肝導濕

一男子患此腫硬焮痛寒熱先以人參敗毒散一劑而止更以

小柴胡湯加黃連青皮治之而愈

薛氏醫案

外科發源卷之七

六

明道公

一男子潰而腫痛小便赤澀以加減龍膽瀉肝湯加青皮黃連  
二劑少愈以小柴胡湯加黃柏知母當歸茯苓數劑而愈  
一男子因勞莖竅作痒時出白物發熱口乾以清心蓮子飲治  
之而安

一男子潰而腫痛發熱日晡尤甚以小柴胡湯加黃連知母當  
歸而愈

一男子已愈惟莖中一塊不散以小柴胡湯加青皮荆防服之  
更以荆芥防風牛膝何首烏滑石甘草各五錢煎湯薰洗各數  
劑而消

一男子莖腫不消○一男子潰而腫痛發熱小便赤澀日晡或  
○一小兒腫痛諸藥不應各以小柴胡湯吞盧薈丸數服並愈  
一男子陰莖或腫或作痛或挺縱不收○一男子莖中作痛筋

急縮或作痒白物如精隨溺而下此筋疝也並用龍膽瀉肝湯  
治之皆愈張子和曰遺溺閉癢陰痿疝瘕精滑白淫皆男子之  
疝也不可妄歸之腎冷若血涸不月月罷腰膝上熱足覺噉乾  
癢閉少腹有塊或定或移前陰突出後陰痔核皆女子之疝也  
但女子不謂疝而謂之瘕

一男子玉莖腫痛小便如淋自汗甚苦時或雖尿血少許尺脉  
洪數按之則濇先用清心蓮子飲加牛膝山梔黃柏知母柴胡  
數劑少愈更以滋腎丸一劑而痊玉機微義云如自汗小便少  
不可以藥利之既已自汗則津液外亡小便自少若利之則榮  
衛枯竭無以制火煩熱愈甚當俟熱退汗止小便自行也兼此  
證乃陽明經云大忌利小便

附方

小柴胡湯方見瘰癧門  
人參敗毒散方見潰瘍發熱門

加減龍膽瀉肝湯 治肝經濕熱玉莖患瘡或便毒懸癰腫痛

小便赤澁或潰爛不愈又治陰囊腫痛或潰爛作痛小便澁

滯或睪丸懸掛

龍膽草

酒拌炒黃

澤瀉

各錢

車前子

炒

木通

生地黃

酒拌

當歸尾

酒拌

山梔

炒

黃芩

甘草

各五分

作一劑水二鍾煎八分食前服如濕盛加黃連大便秘加大黃炒

蘆薈丸 治下疳潰爛或作痛又治小兒肝積發熱口臭生瘡及牙齦蝕爛等瘡

胡黃連

黃連

蘆薈

木香

白蕪荑

炒

青皮

白雷丸

鶴虱草

各一兩

射香

三錢

為末蒸餅糊丸如麻子大每服一錢空心米湯下魏戶部邦寧子年十六鼻目蝕爛肝脈弦長恚怒不息三年不愈諸藥不應服半劑頓退一劑而痊

清心蓮子飲 治心經蘊熱小便赤澁或玉莖腫或莖竅痛及上盛下虛心火炎上口苦咽乾煩燥作渴又治發熱口乾小便白濁夜則安晝則發熱

黃芩

炒

黃芪

蜜炒

石蓮肉

去心

赤茯苓

炒

人參

各一錢

甘草

炙

車前子

炒

麥門冬

去心

地骨皮

各五分

作一劑水二鍾煎八分空心并食前服

本草綱目卷之七

滋腎丸 治下焦陰虛小便澀滯或脚膝無力陰汗陰痿或足熱不履地不渴而小便閉

黃柏酒洗 知母酒洗 肉桂二錢

為末水丸如梧子大每服百丸加至二百丸百滾湯送下

囊癰

腫痛未作膿者疎肝導濕

腫硬發熱者清肝降火

膿成脹痛者急針之更飲清毒之劑

已潰者滋陰托裡

膿清不飲者大補氣血

一男子患此腫痛發熱以小柴胡湯加黃連青皮四劑少愈更以加減龍膽瀉肝湯而消

一男子未作膿而腫痛以加減龍膽瀉肝湯二劑少愈更以四物湯加木通知母黃柏而愈

一男子膿熟作脹致小便不利令急針之以小柴胡湯加黃柏白芷金銀花四劑少愈更以托裡消毒散數劑而愈

一男子陰囊腫狀如水晶時痛時痒出水小腹按之作水聲小便頻數脉遲緩此醉後飲水入房汗出遇風寒濕毒乘聚於囊為患名水疝也先以導水丸二服腹水已去小便如常再飲胃苓散倍用白木茯苓更用氣針引去聚水而瘥

一男子患而久不飲以十全大補湯加五味子麥門冬灸以豆豉餅月餘而平

一弱人腫痛未成膿小便赤澀以製甘草青皮木通黃柏當歸麥門冬四劑少愈以清心蓮子飲而消

一男子燉腫痛甚小便澀發熱脈數以龍胆瀉肝湯倍用車前子澤瀉木通茯苓四劑勢去半仍以前湯止加黃栢金銀花四劑又減二三便利如常惟一處不消此欲成膿也再用前湯加金銀花白芷皂角刺六劑微腫痛脈滑數乃膿已成令針之腫痛悉退投之滋陰托裡藥及紫蘇末敷之而愈

一男子病勢已甚脈洪大可畏用前湯二劑腫少退以仙方活命飲二劑痛少止診其脈滑數乃膿已成須針之否則陰囊皆潰彼疑余言遂用他醫果大潰即陰子也掛懸復求治診其脈將靜以八珍湯加黃芪黃栢知母山梔更敷紫蘇末數日而痊此證勢雖可畏多得保全患者勿懼

一弱人膿熟脹痛大小便秘急針之膿出三碗許即覺睡而神思少健但針遲雖敷解毒藥亦潰盡矣故用托裡藥三十餘劑始瘥大抵此證屬陰道虧濕熱不利所致故滋陰除濕藥不可缺常治腫痛小便秘澀者用除濕為主滋陰佐之腫痛已退便利已和者除濕滋陰藥相兼治之欲其成膿用托裡為主滋陰佐之候膿成即針之仍用托裡滋陰濕毒已盡者專用托裡

如膿清或多或少或飲遲者用大補之劑及豆豉餅或附子餅灸之如盧武選封君年五十患此瘡口年餘不斂診之微有濕熱踰以龍胆瀉肝湯治之濕熱悉退乃以托裡藥及豆豉餅灸之而愈次年復患濕熱頗盛仍用前湯四劑而退又以滋陰藥而消右潰後虛而不補少壯者成漏老弱者不治膿清作渴脈大者亦不治

附方

加減龍胆瀉肝湯

方見下疳門

薛氏醫按

外科發背卷之七

小柴胡湯 方見瘰癧門

十全大補湯 方見潰瘍發熱門

製甘草 方見懸癰門

四物湯 方見瘰癧門

清心蓮子飲 方見下疳門

八珍湯 方見潰瘍發熱門

托裡消毒散 方見腫瘍門

導水丸 方見便癰門

胃苓散

猪苓

澤瀉

白朮

茯苓

蒼朮

厚朴

陳皮 各一錢

甘草 炙

肉桂 各五分

作一劑水二鍾薑三片棗二枚煎八分服

仙方活命飲 方見發背門

豆豉餅 方見臀癰門

痔漏 附便血脫肛

大便秘澀或作痛者潤燥除濕

肛門下墜或作痛者瀉火導濕

下墜腫痛或作痒者祛風勝濕

腫痛小便澀滯者清肝導濕

一男子患痔大便燥結燉痛作渴脉數按之則實以秦艽蒼朮

湯二劑少愈更以四物湯加芩蓮槐花枳殼四劑而愈

一男子素不慎酒色患痔燉腫肛門墜痛兼下血大便乾燥脉

洪大按之則瀉以當歸郁李仁湯加桃仁四劑少愈更以四物

湯

卷之七

七

月百九



湯加紅花桃仁條芩槐花數劑而愈大抵醉飽入房則經脈橫解或精氣脫泄脈絡一虛酒食之毒乘虛流注或淫極強固精氣遂傳大腸以致木乘火勢而毀金或食厚味過多必成斯疾夫受病者燥氣也為病者濕熱也宜以瀉火和血潤燥疎風之劑治之若破而不愈即成漏矣有串腎者有串陰者有穿腸者有穢從瘡口而出者形雖不同治法頗似其腸頭腫成塊者濕熱也作痛者風也大便秘結者火也潰而為膿者熱勝血也當各推其所因而治之

一男子患痔成漏每登廁則痛以秦艽防風湯加條芩枳殼四劑而愈以四物湯加升麻芍連荊防不復作

一男子患痔漏每登廁則肛門下脫作痛良久方收以秦艽防風湯數劑少愈乃去大黃加黃芪川芎芍藥而痛止更以補中

益氣湯二十餘劑後再不脫

一婦人患痔腫焮痛甚以四物湯加芍連紅花桃仁牡丹皮四劑少止又數劑而愈

一婦人糞後下血面色痿黃耳鳴嗜臥飲食不甘服涼血藥愈甚診之右關脈浮而弱以加味四君子湯加升麻柴胡數劑脾氣已醒兼進黃連丸數劑而愈大凡下血服涼血藥不應必因中氣虛不能攝血非補中升陽之藥不能愈切忌寒涼之劑亦有傷濕熱之食成腸癖而下膿血者宜苦寒之劑以內疎之脈弦絕澁者難治滑大柔和者易治

一男子便血過勞益甚飲食無味以六君子湯加黃芪地黃地榆治之而愈

一男子便血每春間尤甚兼腹痛以除濕和血湯治之而愈

一男子素有濕熱便血以槐花散治之而愈  
一男子糞後下血諸藥久不愈甚危診之乃濕熱用黃連丸二服頓止數而痊

一男子糞後下血久而不愈中氣不足以補中益氣湯數劑更以黃連丸數服血止又服前湯月餘不再作

一男子臟毒下血服涼血敗毒藥不惟血不能止且飲食少思肢體愈倦脉數按之則濇先以補中益氣湯數劑少止更以六君子湯加升麻炮薑四劑而止乃去炮薑加芎歸月餘脾胃亦愈嘗治積熱或風熱下血者先以敗毒散散之胃寒氣弱者用四君子湯或參苓白朮散補之並效

一男子臟毒下血脾氣素弱用六君子湯加芎歸枳殼地榆槐花治之而愈後因謀事血復下諸藥不應予意思慮傷脾所致

投歸脾湯四劑而痊大抵此症所致之由不一當究其因而  
之丹溪云芎歸湯一劑又調血之上品熱加茯苓槐花冷加白  
茯苓木香此則自根自本之論也雖然精氣血出於穀氣惟大  
腸下血以胃藥收功以四君子湯參芪白朮散以枳殼散小烏  
沉湯和之胃氣一回血自循經絡矣腸風者邪氣外入隨感隨  
見臟毒者蘊積毒久而始見又云人惟坐臥風濕醉飽房勞生  
冷停寒酒麵積熱以致榮血失道滲入大腸此腸風臟毒之所  
作也挾熱下血而色鮮腹中有痛挾冷下血濁而色黯腹內  
畧痛清則為風濁則為臟毒有先便而後血者其來也遠有  
先血而後便者其來也近世俗糞前糞後之說非也治法大要  
先當解散腸胃風邪熱則敗毒散冷則不換金正氣散加川芎  
當歸後隨其冷熱治之河間云起居不節用力過度則絡脉

傷陽絡傷則血外溢血外溢則衄血陰絡傷則血內溢血內溢則便血腸胃之絡傷則血溢腸外有寒汁沫與血相搏則并合疑聚不得散而成積矣又內經云腸癖下膿血脈弦絕者死滑大者生血溢身熱者死身涼者生諸方皆謂風熱侵於大腸而然若飲食有節起居有時腸胃不虛邪氣從何而入

一婦人素患痔漏每因熱則下血數滴以四物湯加黃連治之即愈後為大勞瘡腫痛經水不止脈洪大按之無力此勞傷血氣火動而然也用八珍湯加芩連蒲黃二劑而止後去蒲黃芩連加地骨皮數劑而安丹溪云婦人崩中者由臟腑傷損衝任二脈血氣俱虛故也二脈為脈經之海血氣之行外循經絡內營臟腑若氣血調適經下依時若勞動過極臟腑俱傷衝任之氣虛不能約制其經血故忽然而下謂之崩中暴下治宜大補

氣血之藥舉養脾胃微加鎮墜心火之藥治其心補陰瀉陽經自正矣

一男子有痔漏每登廁肛脫良久方上診其脈細而微用補中益氣湯三十餘劑遂不再作丹溪云脫肛屬氣熱氣虛血虛血熱○氣虛者補氣參芪芎歸升麻○血虛者四物湯○血熱者涼血四物湯加黃栢肺與大腸為表裏故肺臟蘊熱則肛閉結肺臟虛寒則肛門脫出○有婦人產育用力小兒久痢亦致此治之必須溫肺腑腸胃久則自然收矣

附方

秦艽蒼朮湯 治腸風痔漏大小便秘澁

秦艽 蒼朮米泔水浸炒 皂角仁燒存性 桃仁各一錢半  
黃栢酒製 澤瀉 當歸尾酒拌 防風各錢

檳榔 五分  
大黃 炒量入

作一劑水二鍾煎八分空心服

當歸郁李仁湯 治痔漏大便結硬大腸下墜出血若痛不能忍者

當歸尾 酒拌

郁李仁

澤瀉

生地黄

大黃 煨

枳殼

蒼朮

秦艽 各一錢

麻子仁 五分

皂角仁 一錢另

為細末

作一劑水二鍾煎八分入皂角末空心服

加減龍膽瀉肝湯 方見下痢門 治痔瘡小便澀滯或痔腫痛

四物湯 方見瘰癧門

秦艽防風湯 治痔漏結燥每大便作痛

秦艽

防風

當歸 酒拌

白朮 四錢半

黃柏

陳皮

柴胡

大黃 煨

澤瀉 各一錢

紅花

桃仁 去皮尖研

升麻

甘草 各五分

作一劑水二鍾煎八分空服

八珍湯 方見潰瘍發熱門

加味四君子湯 治痔漏下血面色痿黃心忪耳鳴脚弱氣乏及一切脾胃虛口淡食不知味又治中氣虛不能攝血致便血不禁

人參

白朮 炒

茯苓

白扁豆 蒸

黃芪 炙

甘草

為末每服三錢白滾湯點服

四君子湯

治脾胃虛弱使血不止

薛氏醫按

外科發源卷之七

人參

白朮炒

白茯苓各一錢

甘草五分

作一劑水二鍾薑三片棗一枚煎八分食遠服

黃連治大腸有熱下血

用黃連吳茱萸等分用熱湯拌濕罨三日同炒揀出各另為

末亦各米糊丸梧子大每服二三錢薑前紅服茱萸丸糞後

紅服黃連丸俱酒下

六君子湯方見作嘔門

除濕和血湯治陽明經濕熱便血腹痛

生地黄

牡丹皮

生甘草各五分

熟甘草

黃芪各一錢

白芍藥一錢

升麻七分

當歸身酒拌

蒼朮炒

秦艽

陳皮

肉桂

熟地黄酒拌各二分

作一劑水鍾煎八分空心候宿食消盡熱服

槐花散治腸風臟毒下血

槐花炒

生地黄酒拌罨

青皮

白朮炒

荆芥穗各六分

川芎四分

當歸身酒拌

升麻各一

為末每服三錢空心米飲調下水煎服亦可

補中益氣湯

人參敗毒散方見潰瘍發門

參苓白朮散治脾胃不和飲食不進或嘔吐泄瀉凡大病後

皆宜服此藥以調理脾胃

人參

茯苓

白扁豆去皮薑汁拌炒

白朮炒

蓮肉去心

砂仁炒

薏苡仁炒

桔梗炒

山藥

甘草各二兩

薛氏醫按

外科發源卷之七

七

為細末每三錢用石菖蒲煎湯下

歸脾湯 治思慮傷脾不能統攝心血以此妄行或吐血下血或健忘怔忡驚悸少寐或心脾作痛

白朮炒

茯神

黃芪蜜炙

龍眼肉

酸棗仁蒸各一錢

木香各五分

甘草炙二分

作一劑水一鍾薑一片棗一枚煎六分食遠并臨卧服

小烏沉湯 治氣不調和便血不止

烏藥一兩

甘草炙二分

香附西兩附製

每服二錢食前塩湯下

不換金正氣散 方見作嘔門

枳殼散 治便血或婦人經候不調手足煩熱夜多盜汗胸膈

枳殼錢炒

半夏麩

赤芍藥炒各一錢

柴胡

黃芩各一分五分

作一劑水二鍾薑三片棗一枚煎八分食遠服

芎歸湯 治便血或失血過多眩暈

芎藭五錢

當歸酒拌五錢

作一劑水一鍾半煎六分食後服

如神千金方治痔無有不效

好信石

色黃明者三錢打如豆大

明白礬一兩為末

好黃丹水飛炒紫

蜀稍

七箇淨洗无上帶乾研末

草烏

紫背光滑者去皮生研末一錢

右用紫泥罐先將炭火煨紅放冷拭淨先下明礬燒令沸次下信入礬內拌勻文武火煨候沸再攪勻次看礬通紅烟起

為度將礬撥下待冷取研末方入草烏黃丹蜀稍三味再同研極細入磁罐內收貯如欲敷藥先煎甘草湯或葱椒煎湯

洗淨患處然後用生麻油調前藥以鵝毛掃藥痔上每日敷藥  
三次之後必去黃水如膠汁然痔頭漸消看痔病年深淺年  
遠者不出十日可取盡日近者俱化為黃水連根去淨更搽  
生好肉藥應是五痔皆去之乃是臨安曹五方黃院廩引為  
高宗取痔得效後封曹官至察使

### 李防禦五痔方

原痔者貧富男女皆有之富者酒色財氣貧者擔輕負重飢露  
早行皆心肝二血喜則傷心怒則傷肝喜怒無常風血侵於大  
腸到谷道無出路結積成塊出血生乳各有形相婦人因經後  
傷冷月事傷風餘血在心經血流於大腸小兒因利後或母腹  
中受熱也治方於後

水澄膏 治痔護肉

鬱金

白及酪一 一方加黃連

右二味為細末如內痔候登廁翻出在外用溫湯洗淨不須  
坐側臥於床即出用蜜水調令得中篋篋塗谷道四邊好肉  
上留痔在外以紙蓋藥上良久方用枯藥搽痔上用筆蘸溫  
水於紙上不令藥乾及四散

好白礬兩

生信石二錢

硃砂一錢生

右各研為細末先用砒入紫泥確次用白礬末蓋之用火煨  
令烟斷其砒盡隨烟去止借砒氣於礬中耳用礬為極細末  
看痔頭大小取礬末在掌中更入硃砂少許以唾調稀用篋  
頭塗痔上周遍一日三上候看痔頭顏色焦黑為效至夜有  
黃水出切勿他疑水盡為妙至中夜上藥一遍來日依然上  
藥三次有小痛不妨換藥時以碗盛新水或溫湯在痔邊用

筆輕洗去痔上舊藥更上新藥仍用護肉藥次用荊芥湯洗  
之三兩日之後黃水出將盡却於藥中增硃砂減白礬則藥  
力即緩三兩日方可增減漸漸取之庶不驚人全在用藥人  
看痔頭轉色增減厚薄傳藥方是活法此藥只是借砒信耳  
又有硃砂解之一方士將此二方在京治人多效致富一富  
之因驗以百金求得之錄於予雖未用傳人無不言效但  
枯藥趙宜真煉師已刊於青囊雜纂如神千金方未見刊傳  
大抵今人言能取痔者皆此方也恐氣血虛或內邪者還當  
兼治其內庶不有失

立齋外科發揮卷八

薛氏醫按

吳郡薛 已著

新都吳玄有校

便秘門

脈沉實而秘者火在內者宜泄之

脈瀼而秘者屬血少宜養血

脈浮而秘者屬氣虛宜補氣

脈浮瀼而秘者氣血俱虛也宜補氣血

一男子患癰未作膿焮痛煩躁便閉脈實以內疎黃連湯二劑  
諸症悉退以四物加芩連四劑而消

一男子潰後便澁脈浮按之則瀼以八珍湯加紅花桃仁陳皮

杏仁治之而愈



一弱人潰後便秘而脈濇以四物湯加紅花桃仁黃芪治之而愈  
一男子潰後便秘而脈浮以四君子湯加陳皮杏仁當歸治之而愈  
一老人潰後大便秘小便赤澁診之脈浮數而濇以八珍湯加黃栢知母治之而已愈後小便復數而赤大便秘口乾目花以加減八味丸滋腎丸治之而愈此症乃陰血虛陽火盛故用前藥有效而向投苦寒之劑必致有悞矣  
一男子潰後便澁肌膚作痒以氣血虛不能營於腠理用補劑治之彼不信心服風藥以致不救大抵瘡瘍始作便秘脈數而濇者宜降火涼血為主潰後便秘脈濇者宜補血氣為主若投風藥禍在八掌

附方

內疎黃連湯

方見腫瘍門

四物湯

方見瘰癧門

八珍湯

方見潰瘍發熱門

四君子湯

方見痔門

滋腎丸

方見下疳門

加減八味丸

方見作渴門

乳癰

附乳岩并男子乳癰

暴怒或兒口氣所吹腫痛者疎肝行氣

焮痛發寒熱者發散表邪

腫焮痛甚者清汗消毒

未成膿疎肝行氣

不作膿或不潰托裡為主

潰而不斂或膿清者宜大補氣血

一婦人稟實性躁懷抱久鬱左乳內結一核不消按之微痛以連翹飲子二十餘劑少退更以八珍湯加青皮香附桔梗貝母二十餘劑而消

一婦人因怒兩乳腫兼頭痛寒熱以人參敗毒散二劑表症已退以小柴胡湯加芎歸枳殼桔梗四劑而消

一婦人鬱久右乳內腫硬以八珍湯加遠志貝母柴胡青皮及隔蒜灸兼服神效瓜萸散兩月餘而消

一婦人左乳內腫如桃許不痛色不變發熱漸消瘦以八珍湯加香附遠志青皮柴胡百餘劑又間服神效瓜萸散三十餘劑膿潰而愈嘗見患者責效太速或不戒七情及藥不分經絡虛實者俱難治大抵此症四十以外者尤難治蓋因陰血日虛也一婦人因怒左乳內腫痛發熱表散大過致熱益甚以益氣養

榮湯數劑熱止膿成欲針之彼不從遂腫脹大熱發渴始針之膿大泄仍以前湯月餘始愈大抵乳房屬陽明胃經乳頭屬厥陰肝經若忿怒傷肝或厚味積熱以致氣不行致不通乳不出則結而為腫為痛陽明之血熱甚則肉腐為膿若膿一成即針之以免遍潰諸囊之患亦有所乳之子膈有滯痰口氣焮熱含乳而腫熱氣所吹遂成腫痛於起時須吮啞通或忍痛揉初散失治必成癰患宜青皮以疎厥陰之滯石膏以清陽明之熱甘草節以行污濁之血瓜萸子以消腫這毒或加沒藥橘葉皂角針金銀花當歸更宜隨症消息加減而服少酒佐之更隔蒜灸之其效尤捷若有膿即針之否則通潰難於收斂

一婦人久鬱右乳內結三核年餘不消朝寒暮熱飲食不甘此乳岩也乃七情所傷肝經血氣枯槁之證宜補氣血解鬱結藥

治之遂以益氣養榮湯百餘劑血氣漸復更以木香餅灸之喜其謹疾年餘而消○一婦人亦患此予謂須多服解鬱結養氣血藥可保無虞彼不信乃服尅伐之劑反大如覆碗日出清膿不飲而歿○一婦人鬱久乳內結核年餘不散日晡微熱飲食少思以益氣養榮湯治之彼以為緩乃服行氣之劑勢愈甚潰而日出清膿不止復求治診之脈洪而數辭不治又年餘果歿○又一妾乃放出宮女乳內結一核如栗亦以前湯彼不信乃服瘡科流氣飲及敗毒散三年後大如覆碗堅硬如石出水不潰亦歿大抵鬱悶則脾氣阻肝氣逆遂成隱核不痛不痒人多忽之最難治療若一有此宜戒七情遠厚味解鬱結更以養血氣之藥治之庶可保全否則不治亦有二三載或五六載方潰陷下者皆曰乳岩蓋其形巖凸似巖穴也最毒慎之可保十中一二也

一婦人發熱作渴至夜尤甚兩乳忽腫服敗毒藥熱反熾診之肝脈洪數乃熱血入室也以加味小柴胡湯治之熱止腫消一婦人因怒左乳作痛胸膈不利以方脈流氣飲加木香青皮四劑而愈

一婦人鬱久左乳內結核如杏許三月不消心脈濇而脾脈大按之無力以八珍湯加貝母遠志香附柴胡青皮桔梗五十餘劑而潰又三十餘劑而愈

一婦人膿成不潰脹痛予欲針之使毒不侵展彼不從又數日痛極始針湧出敗膿三四碗虛症蜂起幾殆用大補藥兩月餘而始安夫乳之為物各有囊橐若一有膿即針之否則遍潰諸囊矣少壯者得以收斂老弱者多致不救

一婦人腫而不作膿以益氣養榮湯加香附青皮數劑而膿成

針之旬日而愈

一婦人右乳腫發熱息惰嗜卧無氣以動至夜熱亦甚以補中益氣湯兼逍遙散治之而痊

一婦人兩乳內時常作痛口內常辣卧起若急臍下牽痛以小柴胡湯加青皮黃連山梔治之而痊

一產婦因乳少服藥通之致乳房腫脹發熱作渴狀傷寒以玉露散補之而愈夫乳汁乃氣血所化在上為乳在下為經若衝任之脉盛脾胃之氣壯則乳汁多而濃衰則少而淡所乳之子亦弱而多病此自然之理亦有屢產有乳再產却無或大便澀滯乃亡津液也三因論云產婦乳脉不行有二有血氣盛閉而不行者有血氣弱澀而不行者虛當補之盛當疎之盛者當用通草漏蘆土瓜根葷虛者當用煉成鍾乳粉猪蹄鯽魚之屬槩

可見矣亦有乳出不止等症見外科心法

一男子左乳腫硬痛甚以仙方活命飲二劑而止更以十宣散加青皮四劑膿成針之而愈若膿成未破瘡頭有薄皮剝起者用代針之劑點起皮處以膏藥覆之膿亦自出不若及時針之不致大潰如出不利更經搜膿化毒之藥若膿血未盡輒用生肌之劑反助邪氣縱早合必再發不可不慎也

一男子年踰五十患子不立事左乳腫痛左脇脹痛肝脉弦數而濇先以龍薈丸二服諸症頓退又以小柴胡湯對四物加青皮貝母遠志數劑而膿成予欲針之仍以養氣血解鬱結彼不從乃雜用流氣敗毒之劑致便秘發熱作渴復請予謂膿成不潰陽氣虛不能鼓舞也便秘發熱陰血竭不能濡潤也辭不治一男子因怒左乳腫痛肝脉弦數以復元通氣散二服少愈以

小柴胡湯加青皮芎歸數劑而消

附方

連翹飲子 治乳內結核服數劑如不消宜兼服八珍湯初起有表證者宜先解散

連翹

川芎

瓜蒌仁 研

皂角刺 炒

橘葉

青皮 去白

甘草節

桃仁 各一錢半

作一劑水二鍾煎一鍾食遠服

人參敗毒散 方見潰瘍發熱門

復元通氣散 治乳癰便毒腫痛及一切氣滯腫毒如打撲傷

損閃胸作痛及疝氣尤效

木香

茴香 炒

青皮 去白

川山甲 酥炙

陳皮

白芷

甘草

漏蘆

貝母 去心各等分

另為末各等分和勻每服三錢温酒調下

八珍湯 方見潰瘍發熱門

隔蒜灸法 方見發背門

神效瓜蒌散 治乳癰乳勞已成化膿為水未成即消治乳之

甚多獨此方神效癰瘡瘡毒尤效

瓜蒌

大者二箇搗

甘草

當歸 各五錢

沒藥 另研

乳香 各一錢 另研

作二劑用酒三碗煎至二碗分三次飲更以查罨患處一切

癰疽腫毒並效如數劑不消不痛宜以補氣血之劑兼服之

小柴胡湯

益氣養榮湯

益氣養榮湯

小柴胡湯

六

明

加味小柴胡湯 三方見瘰癧門

補中益氣湯 方見潰瘍發熱門

逍遙散 方見瘰癧門

木香餅 治一切氣滯結腫或痛或悶胸及風寒所傷  
作痛並效

木香 五錢 生地黄 一兩

木香為末地黄杵膏和勻量患處大小作餅置腫處以熱熨斗熨之

玉露散 治產後乳脉不行身體壯熱頭目昏痛大便澀滯

人參 白茯苓 甘草 各五分 桔梗 炒

川芎 白芷 各一錢 當歸 五分 芍藥 七分

作一劑水二鍾煎至八分食後服如熱甚大便秘加大黃三分炒

仙方活命飲

十宣散 三方見發背門

當歸龍薈丸 方見瘰癧門

流氣飲 方見流注門

婦人血風瘡 附陰瘡陰腫陰挺

脉浮者祛風為主益氣佐之

脉濇者祛風為主佐以養血

一婦人患此作痒五心煩熱以逍遙散數劑而止更以人參荆芥散二十餘劑而愈

一婦人遍身作痒秋冬尤甚脉浮數飲消風散蛇床子散數日頓愈

一婦人遍身赤色搔破成瘡膿出不止以當歸飲子及蛇床子散而愈

婦人遍身赤色搔破成瘡膿出不止以當歸飲子及蛇床子散而愈

一老婦遍身作痒午前益甚以四君子湯加荆防芎歸而愈  
一婦人因洗頭致頭皮患腫兼痒以人參荆芥散數劑而愈  
一婦人作痒成瘡雖斂久而患處仍痒搔起白屑以四生散數  
服痒止以人參荆芥散二十餘劑而愈

附方

消風散

當歸飲子

二方見瘡疥門

蛇床子散

治風癬疥癩搔痒膿水淋漓

蛇床子

獨活

苦參

防風

荆芥穗

各一兩 枯礬

銅綠

各五錢

各另為末麻油調搽

四君子湯

方見痔漏門

人參荆芥散

方見瘡疥門

逍遙散

方見瘰癧門

治婦人陰戶生瘡作痒或痛

杏仁

雄黃

白礬

各五錢

麝香

二分

右為末敷入患處

當歸散

治婦人陰中突出一物長五六寸名陰挺

當歸

黃芩

牡蠣

各二兩

蛻皮

二兩

赤芍藥

五錢

右為末每服二錢食前溫酒調下滾湯亦可如不應更以補  
中益氣湯倍加升麻柴胡兼服之

又方當歸川山甲炙蒲黃炒各半兩辰砂一錢麝香少許為  
末每服三錢酒調下尤效

華天醫案

外科瘡毒卷之八

八

瘡毒

葛蒲散 治婦人陰戶腫痛月水澁滯

葛蒲

當歸各一錢

秦艽七錢五分

吳茱萸五錢

右為末每服三錢空心葱湯調下更以枳實炒熱熨患處

治陰內膿水淋漓或痒痛以升麻白芷黃連木通當歸川芎白

木茯苓煎服更用塌腫湯浴洗

塌腫湯

治婦人陰戶生瘡或痒痛或膿水淋漓

甘草

乾漆各三錢

當歸

川芎各二錢

鱉甲五錢

作一劑用水數碗煎數沸去粗常洗患處

瘡疥

瘡痒或膿水浸淫者消風除濕

痒痛無膿者祛風潤燥

疥痛或發寒熱者表散之

瘡痒或疼午後尤甚者降火益陰

瘡痛大便澁者滋陰瀉火

搔起白屑耳作蟬聲者祛風清熱

一婦人患此作痒膿水不止脉浮無力以消風散四劑少愈更

以四生丸月餘而平

一男子痒少痛多無膿水以芩連荆防山梔薄荷芍藥歸稱治之而愈

一男子瘡痛發熱脉浮數以人參敗毒散四劑少愈更以當歸

飲子數劑而愈

一男子瘡痛寒熱便秘脉數有力以防風通聖散一劑少愈更

以荆防敗毒散加黃芩山梔四劑而愈

一婦人作痒午後尤甚以當歸飲子數劑少愈更以人參荆芥



散數劑而安

一男子久不愈搔起白屑耳作蟾聲以四生散數服痒止更以當歸飲子數劑而瘥

一男子下體居多燥痛日晡尤甚腿腕筋紫而脹就於紫處刺去瘀血以四物湯加芩連四劑而安患在上體若臂腕筋紫脹亦宜刺去其血以前湯加柴胡黃芩即愈

一男子搔痒成瘡日晡痛甚以四物加芩連荆防數劑而止更以四物加蒺藜何首烏黃芪二十劑而愈

附方

消風散 治風熱癢疹痒及婦人血風癢痒或頭皮腫痒或諸風上攻頭目昏眩項背拘急鼻出清水嚏噴聲重耳作蟾鳴

荆芥穗

甘草

陳皮

人參

白僵蚕

茯苓

防風

芎藭

藿香

蟬蛻

厚朴

羌活

各另為末每服三錢茶清調下瘡癬温酒下

人參敗毒散

方見潰瘍發熱門

防風通聖散

方見天泡瘡門

當歸飲子

治血燥作痒及風熱瘡疥痒痒或作痛

當歸

川芎

白芍藥

生地黄

防風

白蒺藜

荆芥

何首烏

黃芪

甘草

荆芥

何首烏

作一劑水二鍾煎八分食遠服

四生散 治膝腿生瘡浸淫不愈類風癬名腎臟風瘡如上攻則目昏花視物不明并一切風癬疥癩

薛氏醫按

白附子生用

黃芪

獨活

蒺藜

各另研為末等分和勻每服二錢用猪腰子一箇批開入藥

濕紙包裹煨熟空心連腰子細嚼鹽湯下風癱酒下

四生丸 治血風骨節疼痛不能舉動或行步不前或渾身瘙

痒或麻痺

地龍去土

僵蚕炒去絲

白附子生

五靈脂

草烏去皮尖各等分

右為末米糊丸梧子大每服二三十丸茶酒任下或作末酒

調服亦可

荆防敗毒散 方見潰瘍發熱門

人參荆芥散 治婦人血風發熱或瘡毒瘙痒或肢體疼痛頭

目昏澁煩渴盜汗或月水不調臍腹痞痛疝積塊

荆芥穗

人參

桂心

酸棗仁炒

柴胡

鱉甲醋炙

枳殼炒

生地黄酒拌

羚羊角鎊末

白朮炒各一錢

川芎

當歸酒拌

防風

甘草炙各五分

作一劑水二鍾薑三片煎八分入羚羊角末食遠服

四物湯 方見瘰癧門

杖瘡

附墜馬并破傷風及大蛇虫傷

胸滿或脇脹宜行血老弱者宜行氣活血更飲童便

酒腹痛者宜下血

血去多而煩燥者補血如不應獨參湯

瘀肉不潰或潰不斂宜大補氣血

一男子杖瘡瘀肉不腐以大補之劑漸腐更以托裏健脾藥而

薛氏醫按

外科醫法卷之六

吐

月三首九

一男子墜馬兩脇作痛以復元活血湯二劑頓止更以小柴胡湯加當歸桃仁二劑而安

一男子墜馬腹作痛以桃仁承氣湯加蘇木紅花下之頓愈更以四物湯加天花粉柴胡二劑而愈

一男子損臂出血過多又下之致煩熱不止瘀肉不腐以聖愈湯四劑少安以八珍湯加五味子麥門冬而安更以六君子湯加芎歸黃芪數劑而潰又二十餘劑而斂大抵此證須分所患輕重有無瘀血及元氣虛實不可驟下蓋恐有傷氣血難以潰斂常治先以童便和酒飲之或加紅花蘇木其功甚捷若藥用攻利之劑鮮不有誤凡瘡愈之遲速在血氣之虛實故也

一老人墜馬腹作痛以復元通氣散用童便調進二服少愈更以四物湯加柴胡桃仁紅花四劑而安

一男子風入杖瘡牙關緊急以玉真散一服少愈再服而安

一男子跌仆皮膚不破兩脇作脹發熱口乾自汗類風證令先飲童便一甌煩渴頓止隨進復元活血湯倍用柴胡青皮一劑脹痛悉愈再劑而安發明經云夫從高墜下惡血流於內不分十二經絡聖人俱作風中肝經留于脇下以中風療之血者皆肝之所主惡血必歸于肝不問何經之傷必留于脇下蓋肝主血故也痛甚則必有自汗但人汗出皆為風證諸痛皆屬於肝木况敗血凝滯從其所屬入于肝也從高墜下逆其所行之血氣非肝而何以破血行經藥治之

一男子被犬傷痛甚惡心令急吮去毒血隔蒜灸患處數壯痛即止更貼太乙膏服玉真散而愈

一男子青腫作痛以蘿蔔汁調梔子末敷之以四物湯加柴胡

黃芩天花粉川山甲二劑少愈更以托裏散加生地黄柴胡紅  
花數劑而潰再以托裏健脾藥而愈

一男子風犬所傷牙關緊急不省人事急針患處出毒血更隔  
蒜灸良久而醒用太乙膏封貼用玉真散二服少愈更以解散  
散二服而痊若患重者須先以蘇合香丸灌之後進湯藥

針灸經云外丘穴治狗犬即風犬所傷發寒熱速灸三壯更灸  
患處立愈春末夏初狂犬咬人狂過百日得安終身禁犬肉蚕  
蛹食此則發不可救也宜先去惡血灸咬處十壯明日以後灸  
一壯百日乃止忌酒七日搗並汁飲一二盞

又方治狂犬傷令人吮去惡血灸百壯神效

治蛇入七竅急以艾灸蛇尾又法以刀破蛇尾少許入花椒七  
粒蛇自出即用雄黃硃砂末煎人參湯調灌之內毒即解○

頭大蒜切片置患處以入於蒜上灸之每三壯換蒜多灸為妙

### 傷損脈法

內經云肝脈搏堅而長色不青當病墮若搏因血在脇下令人嘔逆  
金匱云寸口脈浮微而澁然當亡血若汗出設不汗出者當身  
有瘡被刀斧所傷亡血故也

脈經云金瘡出血太多其脈虛細者生數實大者死金瘡出血  
脈沉小者生浮大者死

砍刺出血不止者其脈來大者七日死滑細者生  
從高顛什內有瘀血腹脹脈堅強者生小弱者死

破傷有瘀血在內脈堅強實則生虛小弱者死若亡血過多脈  
細小者生浮大數實者死皆為脈病不相應故也

一婦人髻癰將將愈患破傷風發熱搐搦脈浮數予以當歸地

薛氏醫案 外種發熱卷之八  
黃湯治之彼不信乃服發散敗毒藥果甚始信而服之至數劑而痊夫破傷風之證須分表裏別虛實不可一槩治之原病式云夫破傷中風之由者因瘡熱甚鬱結而榮衛不得宣通佛熱因之遍身故多白痂是時瘡口閉塞氣難通泄熱甚則生風也不已則表傳於裏者也但有風熱微甚兼化故殊異矣大法破傷中風風熱燥甚佛鬱在表而裏氣尚平者善伸數欠筋脉拘急時或惡寒或筋惕而播脉浮數而弦者宜以辛熱治風之藥開衝結滯是與傷寒表熱佛鬱而以麻黃湯辛熱發散者同也凡用辛熱開衝風熱結滯宜以寒藥佐之則良免致藥中病而風熱轉甚也如治傷寒發熱用麻黃桂枝加黃芩石膏知母之類是也若世以甘草滑石葱豉寒藥發散甚妙若表不已漸傷入裏裏又未大甚而脉在肌肉者宜以退風熱開結滯之寒藥

調之或微加治風辛熱亦得猶傷寒在半表半裏而以小柴和解之意也若裏熱已甚而舌強口噤項背反張驚搐惕涎唾稠粘胸腹滿塞而或便溺閉結或時汗出脉洪數而弦也然出汗者由風熱鬱甚於裏而表熱稍罷則腠理踈泄而心火熱甚故汗出也法宜除風散結寒藥下之後以退風熱開鬱滯之寒藥調之而熱退結散則風自愈矣凡治此亦宜按摩導引及以藥幹開牙開勿令口噤使藥得下也

病機云破傷風者有因卒暴傷損風襲之間傳播經絡致使寒熱更作身體反張口噤不開甚者邪氣入藏有因諸瘡不瘥榮衛俱虛肌肉不生瘡眼不合邪亦能外入於瘡為破傷風之候有諸瘡不瘥舉世皆言著灸為上是為熱瘡而不知火熱客毒遷經諸變不可勝數微則發熱甚則生風而搐或角弓反張口

噤目斜亦有破傷不灸而病此者因瘡着白痴瘡口閉塞氣難通泄故陽熱易為鬱結熱甚則生風也徐用誠云此論所因有四二者因瘡口入風似屬外因一者因灸逐熱似屬不內外因一者因瘡口閉塞內熱生風似屬內因也又云破傷風證古方藥甚論少豈非以此疾與中風同論故不另立條目也唯河間論與傷寒表裏中三法同治用藥甚詳其言病因有因外傷於風有因灸及內熱所作者然與中風相似也但中風之人尚可淹延歲月而破傷風者犯之多致不救蓋中風在經在腑在臟之異獨入藏者最難治破傷風或始而出血過多或瘡早閉合瘀血停滯俱是血受病屬陰五臟之所主故此風所傷始雖在表隨即必傳入藏故多死也此病或瘡口坦露不避風寒而有所傷或瘡口閉合密避風邪而及病已十分安全而忽有此大

抵皆由內氣虛而有鬱熱者得之若內氣壯實而無鬱熱者雖傷而無所害也

附方

八珍湯

方見瀆瘍發熱門

六君子湯

方見作嘔門

復元活血湯

治墜墮或打撲瘀血流於脇下作痛或小腹作

痛或痞悶及便毒初起腫痛

柴胡一錢五分

天花粉

當歸酒拌各一錢

紅花

甘草各七分

川山甲一錢

大黃酒拌炒二錢

桃仁二十粒去尖酒浸研

作一劑水二鍾煎一鍾食前服

小柴胡湯

四物湯方見瘰癧門

復元通氣散

方見乳癰門

桃仁承氣湯

治傷損瘀血停滯腹作痛發熱或發狂或便毒

壅腫疼痛便秘發熱並宜用此通之

桃仁五十粒去桂枝

芒硝

甘草炙各一錢大黃一錢

作一劑水二鍾煎一鍾空心服

玉真散一名定風散

治破傷風重者牙關緊急腰背反張并

蛇犬所傷

天南星

防風各等分

為末每服二錢溫酒調下更搽患處若牙關緊急腰背反張者每服三錢用童便調服雖內有瘀血亦愈至於昏死心腹尚溫者連進二服亦可保全若治風犬咬傷更用漱口水洗

淨搽之神效

隔蒜灸法

方見發背門

太乙膏

方見腸癰門

托裏散

方見腫瘍門

解毒散

治一切毒蛇惡虫并獸所傷重者毒入腹則眼黑口

噤手足強直此藥平易不傷氣血大有神效不可以為易忽之

白礬一兩

甘草末一兩

為細末每服二錢不拘時冷水調下更敷患處

蘇合香丸

方見方脈科氣門

聖愈湯

治瘡瘍膿水出多或金瘡出血心煩不安眠睡不寧

或五心煩熱

地黃酒拌蒸

生地黄酒拌

川芎

五字

五字

五字

五字

人參 各五錢

當歸 酒拌

黃芪 鹽水浸炒 各一錢

作一劑水二鍾煎八分食遠服

獨參湯 治潰瘍氣血虛極惡寒或發熱或失血之證葛可久

血脫用補氣即此方也

人參 二兩

作一劑水二鍾煎十枚煎一鍾徐徐服若煎至稠厚即為膏

當歸地黃湯 治破傷風氣血俱虛發熱頭痛服此養氣血祛

風邪不拘新舊並治之

當歸 酒拌

地黃 酒拌

芍藥

川芎

藁本

防風

白芷 各一錢

細辛 五分

作一劑水二鍾煎一鍾服



